

四庫全書

集部

欽定四庫全書

御選歷代詩餘卷七十九目錄

一百二字

瑞鶴仙

又一體

周邦彥

趙長卿

二首

張元幹

康與之

二首

曾覲

楊无咎

侯寔

二首

辛棄疾

二首

袁去華

趙彥端

王千秋

楊炎

陸淞

高觀國

史達祖

二首

李昉英

陸釁

張渠

方千里

吳文英

五首

毛玘

蔣捷

四首

陳允平

二首

歐良

張炎

劉瀾

葛長庚

慶春宮

周邦彥

吳文英

陳允平

張樞

張炎
二首

前調
又一體

周密

王沂孫

劉瀾

王易簡

拜星月慢

又一體

陳允平

南浦

魯逸仲

前調

又一體

喻綜

西平樂

柳永

朱雍

御選歷代詩餘卷七十九目錄

欽定四庫全書

御選歷代詩餘卷七十九

一百
二字

司經局洗馬掌局事無翰林院修撰加二級
臣王奕清奉

百校刊

瑞鶴仙

又一體雙調一百
二字一名一捻紅

瑞鶴仙

周邦彥

悄郊原帶郭行路永客去車塵漠漠斜陽映山落斂餘

紅猶戀孤城欄角凌波步弱過短亭何用素約有流鶯
勸我重解繡鞍緩引春酌不記歸時早著上馬誰扶
醒眠朱閣驚颺動幙扶殘醉遠紅藥歎西園已是花深
無地東風何事又惡任流光過却猶喜洞天自樂

前調

殘秋有感

趙長卿

敗荷擎沼面紅葉舞林梢光陰何速碧天淨如水金風
透簾幙露清蟬伏追思往事念當年悲傷宋玉漸危樓
向晚魂銷空倚徧闌干曲凝目一霎微雨塞鴻聲斷

酒病相續無情賞處金井梧東籬菊漸蘭橈歸去銀蟾
滿夜水村煙渡怎宿負伊家萬愁千恨甚時是足

前調

趙長卿

西風蘋末起動院落清秋新涼如水纖歌遏雲際正美
人翻曲陽春輕麗蘭衣玉珮擁南斗光中一醉有邦人
萬口同聲贊歎我公愷悌 百里年豐穀稔事簡刑清
頌聲盈耳鵬程九萬摩空展垂天翅定丹書飛下彤墀
歸去秘略家傳小試看封留亘古功名未容退避

前調

張元幹

喜西園放鑰對燕寢香潤棠陰寒薄東風夜來惡禁烟
時天氣鶯啼花落新晴共約怕韶光容易過却把銅壺
暖泛金杯被襖嬉遊行樂絃索笙簧聲裏還記蘭房
正垂羅幙初眠柳弱梅如豆玉如琢向鳳凰池上鴛鴦
影裏他年何啻紫橐看流芳繼踵韋平盛傳輦洛

前調

上元
應制

康與之

瑞煙浮禁苑正絳闕春回新正方半冰輪桂華滿溢花

衢歌市芙蓉開徧龍樓兩觀見銀燭星毬有爛捲珠簾
盡日笙歌盛集寶釵金釧堪羨綺羅叢裏蘭麝香中
正宜遊翫風柔夜暖笑聲喧花影亂鬧蛾兒滿路成團
打塊簇著冠兒鬪轉喜皇都舊日風光太平再見

前調 別恨

康與之

薄寒羅袖怯教小玉添香被翻宮纈蘭缸半明滅聽幾
聲歸雁一簾微月情波恨葉索新詞猶自怨別夢回時
雪暖酥凝掠鬢寶駕釵折淒切紋牕描繡舊譜尋棋

變成虛設同心對結重來是甚時節
悵姑蘇臺上征帆
何許隱隱遙山萬疊袖紅綃獨立無言
偷彈淚血

前調

曾覲

陡寒生翠幕凍雲垂繽紛飛雪初落
縈風度池閣嫋餘
妍時趁舞腰纖弱江天漠漠認殘梅
吹散畫角正貂裘
乍怯黃昏院宇入檐飄箔
依約銀河迢遞種玉羣仙
共驂鸞鶴東君未覺先春綻
萬花萼向尊前已喜豐年
呈瑞人間何事最樂擁笙歌繡閣低帷
縱歡細酌

前調

楊无咎

聽梅花再弄殘酒醒無寐寒衾愁擁淒涼誰與共漫羸
得別恨離懷千種拂牆樹動更曉來雲陰雨重對傷心
好景回首舊遊恍然如夢歡縱西湖曾返畫舫爭馳
繡鞍雙控歸來夜中要銀燭銜金鳳到而今誰揀花枝
同戴誰酌酒杯笑捧但逢花對酒空祇自歌自送

前調

送張丞罷
官歸柯山

侯寘

楚山無際碧湛一溪晴綠四郊寒色霜華弄初日有玉

明瑤草金鋪平磧天涯倦翼更何堪臨歧送客念飛蓬
斷梗無蹤把酒後期難覓愁寂梅花顚顚茅舍蕭疎
倍添淒惻維舟岸側留君飲醉休惜想柯山春晚還家
應對菊老松堅舊宅歎宦遊索寞情懷甚時去得

前調

詠舍
笑花

侯寘

春風無檢束故倡條冶葉恣情丹綠任鶯喧燕宿似東
鄰北里都無貞淑高情恨盛歎何時重見桂菊又誰知
天上黃姑掃盡晚春餘俗幽獨鉛華不御翡翠帷深

鬱金裙較長，省瞭目。嫣然態倚修竹，縱青門瓜美，江陵橘老，怎比無窮剩馥。最難禁扇底橫枝，惱人睡足。

前調

賦梅

辛棄疾

雁霜寒透，幙正護。月雲輕嫩，冰猶薄。溪區照梳掠，想含香弄粉，豔妝難學。玉肌瘦弱，更重重龍綃襯著。倚東風，一笑嫣然，轉盼萬花羞落。寂寞家山何在，雪後園林，水邊樓閣。瑤池舊約，鄰翁更仗誰托。粉蝶兒只是尋桃覓柳，開徧南枝未覺。但傷心，冷落黃昏，數聲畫角。

前調

南澗雙
溪樓

辛棄疾

片帆何太急。望一點、須臾去天咫尺。舟人好看客。似三峽風濤。嵯峨劒戟。溪南溪北。正遐想、幽人泉石。看漁樵、指點危樓。却羨舞筵歌席。歎息山林鐘鼎。意倦情遷。本無欣戚。轉頭陳跡。飛鳥外、晚煙碧。問誰憐舊日南樓老子。最愛月明吹笛。到而今、撲面黃塵欲歸未得。

前調

袁去華

郊原初過雨。見敗葉零亂。風定猶舞。斜陽挂深樹。映濃

愁淺黛遙山省。無來時舊路尚巖花嬌黃半吐。而今
惟有溪邊流水見人如故。無語郵亭深靜下馬還尋
舊。曾題處無聊倦旅。傷離恨最愁苦。縱收香藏鏡他年
重到人面桃花在否。念沉沉小閣幽牕有時夢去。

前調

錢臺山
沈公雅

趙彥端

記河梁折柳問畫堂樂事燕鴻難偶。十年漫回首但亭
亭紫蓋差差南斗。傳聞小有種桃花親煩素手。怪歸來
道骨仙風縹緲迥然非舊。清畫江南如畫紫菊冬前

翠橙霜後扁舟渡口佳客至奉名酒喚青鸞起舞雲牕
月檻一曲山明水秀笑相看玉海別來淺如故否

前調

九日

王千秋

征鴻翻塞影悵悲秋人老渾無佳興鳴蛩問酒病更堆
積愁腸摧殘詩鬢起尋芳徑菊羞人依叢半隱又豈知
虛度重陽浪闊渺無歸信無定登高人遠戲馬臺前
怨歌誰聽香肩醉凭鎮常是笑獨醒到如今何在西風
凝竚冠也無人為正看他門對插茱萸恨長怨永

前調

元夕為王使君賦

楊炎

風光開舊眼正梅雪初消柳絲新添樓臺競裝點照金
荷十里珠簾齊捲湘絃楚管動香風旌旗影轉望雲間
一點台星飛下洞天清晚爭看袖紅圍座舞翠回春
笑歌生晚歡聲正遠嬉遊意未容嬾恐絲綸趨召清都
仙伯歸去朝天夜半倩那人挽取鰲頭醉扶玉腕

前調

陸淞

臉霞紅印枕睡起來冠兒還是不整屏間麝煤冷但看

山壓翠淚珠彈粉堂深晝永燕交飛風簾露井悵無人
與說相思近日帶圍寬盡重省殘燈朱幌淡月踈牕
那時風景陽臺路近雲雨夢便無準待歸來先指花梢
教看却把心期細問問因循過了青春怎生意穩

前調

筇杖

高觀國

一枝蒼玉冷愛露節霜根從他孤勁提携遠塵境自清
癯骨力歲寒心性登臨助興甚偏與芒屨相稱笑葛洪
陂外騰飛渺渺水閒煙迴尋勝撥開林影卓破苔痕

緩支幽徑分雲度嶺待隨處問梅信任香挑村醕寒拋
夜月識盡江山好景扣禪關拗折歸來萬緣自靜

前調

史達祖

杏煙嬌濕鬢過杜若汀洲楚衣香潤回頭翠樓近指鴛
鴦沙上暗藏春恨歸鞭隱隱便不念芳盟未穩自簫聲
吹落雲東再數故園花信 誰問聽歌牕罍倚月闌邊
舊家輕俊芳心一寸相思後總灰盡奈春風多事吹花
搖柳也把幽情喚醒對南溪桃萼翻紅又成瘦損

前調 紅梅

史達祖

館娃春睡起為助妝酒暖臉霞輕膩冰霜一生裏厭重
來冷淡粉顯重洗胭脂暗試便無限芳穠氣味向黃昏
竹外寒深醉裏為誰偷倚 嬌媚春風模樣霜月心腸
瘦來肌體孤香細細吹夢到杏花底被高樓橫管一聲
驚斷却對南枝灑淚漫相思桃葉桃根舊家姊妹

前調 甲辰
元夕

李昴英

玉城春不夜映月壁寒流燭蕖光射鰲山海雲駕擁遨

頭簫鼓錦旗紅亞東風近也趁樂歲良辰多暇想陽和
早徧南州暖得柳嬌桃冶堪畫紗籠夾道露重花珠
塵吹蘭麝歌朋舞社玉梅轉鬧蛾耍且繭占先採芋郎
戲巧又卜紫姑燈下聽歌聲猶自未歸鈿車寶馬

前調

陸叡

濕雲黏鴈影望征路愁迷離緒難整千金買光景但疎
鐘催曉亂鴉啼暝花棕暗省許多情相逢夢境便行雲
都不歸來也合寄將音信孤迴盟鸞心在跨鶴程高

後期無準情絲待翦翻惹得舊時恨怕天教何處參差
雙燕還添殘朱剩粉對菱花與說相思看誰瘦損

前調

張 榘

碧油推上客有神機沈密參運帷幄威聲際沙漠慶雲
飛川泳和熏三白霄淵賈隔甚探梅也來相約更誰憐
久客泥深穿履栖栖東郭 農麥年來管好禾黍離離
詎忘關洛風高水涸多少事待鞬略看鷺池夜渡黎明
飛捷兒輩昏昏未覺便衝寒鐵騎橫驅汎埽六合

前調

次周美
成韻

方千里

看青山遶郭更暮草萋萋踈烟漠漠無風自花落欲黃
昏誰向官樓吹角剛腸頓弱恨別來辜負厚約想香閨
念舊還憶去年共舉杯酌寂寞光陰虛度未說離愁
淚痕先閣珠簾翠幙除相見是奇藥況中年已後凭高
臨遠情懷終是易惡早歸休月地雲階賸追笑樂

前調

吳文英

夜寒吳館窄漸酒闌燭暗猶分香澤輕颺展鳥翮送高

鴻飛過長安南陌漁磯舊跡有陳蕃虛牀挂壁掩庭扉
蛛網黏花細草靜搖春碧還憶洛陽年少風露秋繁
歲華如昔長吟墮幘暮潮送富春客笑玉堂不染梅花
清夢宮漏聲中夜直正逋仙清瘦黃昏幾時覓得

前調

壽方蕙
巖寺簿

吳文英

輓轡秋又轉記旋草新詞江頭憑雁乘槎上銀漢想車
塵纔踏東華紅暎何時賜見漏聲涼移宮夜半問尊鱸
今幾西風未覺歲華遲晚一片丹心白髮滴露研朱

雅陪清燕班回柳院蒲團底小禪觀望采恩明月初圓
此夕應共嬋娟茂苑願年年玉兔長生簪秋井幹

前調

壽龔

吳文英

記年時秋半看畫堂凝香璇奎初煥天邊歲華轉向九
重春近仙桃傳宴銀罌翠管寶香飛蓬萊小苑感玉皇
恩重千秋翠麓峻齊雲漢須看鴻飛高處野闊天寬
弋人空羨梅清水暖茗溪畔幾吟倦算金門聽漏玉墀
班早贏得風霜滿面總不如綠野身安鏡中未晚

前調

吳文英

淚荷拋碎壁正漏雲篩雨斜捎牕隙林聲怨秋色對小山不迭寸眉愁碧涼欺岸幘暮砧催銀屏翦尺最無聊燕去堂空舊幙暗塵羅額行客西園有分斷柳淒花似曾相識西風破屐林下路水邊石念寒蛩殘夢歸鴻心事那聽江樓夜笛看雪飛蘋底蘆梢未如鬢白

前調

吳文英

亂雲生古嶠記舊遊惟怕秋光不早人生斷腸草歎如

今搖落暗驚懷抱惟臨晚眺吹臺高霜歌縹緲想西風
此處留情肯著故山衰帽聞道萸香西市酒熟東鄰
浣花人老金鞭騷裒迫吟賦倩年少想重来新雁傷心
湖上銷滅紅深翠窈小樓寒睡起無聊半簾晚照

前調

毛 升

柳風清晝溽山櫻晚一樹高紅爭熟輕紗睡初足悄無
人敲枕虛檐鳴玉南園秉燭歎流光容易過目送春歸
去有無數弄禽滿徑新竹閒記追歡尋勝杏棟西廂

粉牆南曲別長會促成何計奈幽獨縱相絃難寄鱗香
終在屏山蝶夢斷續對沿階細草淒淒為誰自綠

前調

柳城
見月

蔣捷

紺煙迷雁跡漸碎鼓零鐘街喧初息風繁背寒壁放水
蛸飛到絲絲簾隙瓊魂暗泣念鄉闕霜蕪似織漫將身
化鶴歸來忘却舊遊端的歡極蓬壺萼浸花院黎溶
醉連春夕柯雲罷奕櫻桃在夢難覓勸清光乍可幽牕
相伴休照紅樓夜笛怕人間換譜伊涼素娥未識

前調

買妾名
雪香

蔣捷

素肌元是雪向雪裏帶香更添奇絕梅花太孤潔問梨花何似風標難說長洲漾楫料鴛邊嬌容乍折對珠籠自翦涼衣愛把淡羅輕疊
清澈螺心翠靨龍吻瓊涎
總成虛設微微醉顚牕燈暈弄明滅笑銀臺高處芳菲
仙珮步徧纖雲萬葉覺來時人在紅幃半廊界月

前調

紅葉

蔣捷

縞霜飛霽雪漸翠減涼痕腥浮寒血山川夢淒切短吟

筇猶倚鶯邊新槭花魂未歇似追昔芳銷艷滅挽西風
再入柔柯誤染紺雲成纈休說深題錦翰淺泛瓊漪
暗春曾泄情條萬結依然是未愁絕最憐他南苑空堦
堆徧人隔仙蓬怨別鎖芙蓉小殿秋深碎蛩訴月

前調

壽東軒立
冬前一日

蔣捷

玉霜生穗也沙洲雲翠痕雁繩低也層簾四垂也錦堂
寒早近開爐時也香風遞也是東籬花深處也料此花
伴我仙翁未肯放秋歸也嬉也縵波穩舫鏡月危樓

醕瓊醑也籠鸚睡也紅妝旋舞衣也待紗燈客散紗牕
月上便是嚴凝序也換青氍小帳圍春又還醉也

前調

陳允平

故廬元負郭愛樹色參差湖光渺漠樓危萬山落俯闌
干十二簷檐飛角花嬌柳弱映輕黃淺黛依約與沙鷗
共結新盟伴我醉眠醒酌蕭索雲根石上淪茗松泉
注書芸閣鶯窺燕幙檐外竹圃中藥念耕煙釣雪已成
活計一任風波自惡但無心萬事由天夢中更樂

前調

陳允平

燕歸簾半捲正漏約瓊籤
笙調玉琯蛾睂畫來淺
甚春衫嬾試夜燈慵翦香溫
夢暖訴芳心芭蕉未展渺雙波
望極江空二十四橋凭遍
葱蒨銀屏綵鳳霧帳金蟬
舊家坊院煙花弄晚芳草恨
斷魂遠對東風無語綠陰
深處時見飛紅數片
萋多情尚有黃鸝向人
睨睨

前調

和李梅南

歐良

賞殘陶徑菊正嫋嫋
愁予風淒露肅何人抱
幽獨更檐

馬鏘金廊魚響木此情誰屬向底處騁懷遊目小牕前
頻覽菱花一笑鬢絲猶綠蕭索故國雲迷佳人日暮
輕輦倚竹短釵敲玉筭幾夜恁孤宿問旅情如許怎生
排遣應費酒尊詩軸最無端誰隔西樓正調絃促

前調

代去姬
寫懷

張炎

楚雲分斷雨問那回因甚琴心先許匆匆話離緒正花
房蜂鬧著春無處殘歌剩舞尚隱約當時院宇黯銷凝
銅雀深深忍把小喬輕誤休賦玉尊別後老葉沈溝

暗珠還浦歡遊再數能幾日采芳去最無端做了霎時
妖夢不道風流甚苦把餘情付與秋蛩夜長自語

前調

海棠

劉瀾

向陽看未足更露立闌干日高人獨江空珮鳴玉問煙
鬟霞臉為誰膏沐情閒景淑嫁東風無媒自卜鳳臺高
貪伴吹笙驚下九天霜鵲紅感花開不到杜老溪莊
已公茅屋山城水國歡易斷夢難續記年時馬上人酣
花醉樂奏開元舊曲夜歸來駕錦漫天絳紗萬燭

前調

秋歸

葛長庚

殘蟾明晚照政一番霜訊四山秋老孤村帶清曉有鳴
鞭歸騎亂林啼鳥青帘縹緲嬾行時持杯自笑甚年來
破帽彫裘慣得淡煙芳草多少客愁羈思雨泊風餐
水邊雲杪西牕正好疎竹外粉牆小念歸期相近夢魂
無奈不為輕羅寒峭怕無人料理黃花等閒過了

慶春宮

雙調一百二字
或名慶宮春

慶春宮

悲秋

周邦彥

雲接平崗山圍寒野路回漸轉孤城衰柳啼鴉驚風驅
雁動人一片秋聲倦途休駕澹煙裏微茫見星塵埃顛
顛生怕黃昏離思牽縈華堂舊日逢迎花艷參差香
霧飄零絃管當頭偏憐嬌鳳夜深簧暖笙清眼波傳意
恨密約匆匆未成許多煩惱只為當時一晌留情

前調

吳文英

殘葉翻濃餘香棲苦障風怨動秋聲雲影搖寒波塵銷

膩翠房人去深局畫成淒點雁飛過垂楊轉青闌干橫
暮酥印痕香玉腕誰憑菱花乍失娉婷別岸圍紅千
豔傾城重洗清杯同追深夜豆花寒落愁燈近歡成夢
斷雲隔巫山幾層偷相憐處熏盡金篝消瘦雲英

前調

次周美
成韻

陳允平

孤鶩披霞歸鞍銜日晚香菊自寒城虛館燈閒征衫塵
浣夜深何處砧聲亂蛩催怨月明裏依稀數星雲山迢
遞猶誤歸期方寸偏縈秋風燕送鴻迎最憐堤柳白

露先零倦倚樓高恨隨天遠桂風和夢俱清故人千里
記翦燭西牕賦成相如顓頊宋玉淒涼酒恨花情

前調

張樞

斜日明霞殘紅分雨軟風淺掠蘋波聲冷瑤笙情疎寶
扇酒醒無奈秋何彩雲輕散漫敲缺銅壺浩歌省痕留
怨依約遠峰學斂雙蛾銀牀露洗涼柯屏掩香消忍
埽裊羅楚驛梅邊吳江楓畔庾郎從此愁多草蛩喧砌
料催織迴文鳳梭相思遙夜簾捲翠樓月冷星河

前調

都下寒食

張炎

波蕩蘭觴鄰分杏酪畫輝冉冉烘晴冒索飛仙戲船移
景薄遊也自忺人短橋虛市聽隔柳誰家賣餠月題爭
繫油壁相連笑語逢迎池亭小隊秦箏就地圍香臨
水前裙冶態飄雲醉妝扶玉未應聞了芳情旅懷無限
忍不住低低問春梨花落盡一點新愁曾到西泠

前調

金粟洞天

張炎

蟾窟研霜蜂房點蠟一枝曾伴涼宵清氣初生丹心未

拆濃艷到此都消避風歸去貯金屋妝成漢嬌粟肌微
潤和霧吹香直與秋高小山舊隱重招記得相逢古
道迢迢被酒長歌插花短舞誰在水國吹簫餘音何處
看萬里星河動搖廣庭人散月淡天心鶴下銀橋

前調

又一體送
趙元父

周密

重疊雲衣微茫鴻影短篷穩載吳雪霜葉敲寒風燈搖
暈棹歌人語嗚咽擁衾呼酒正百里冰河乍合千山換
色一鏡無塵玉龍吹裂夜深醉踏長虹表裏空明古

今清絕高堂在否登臨休賦忍見舊時明月翠銷香冷
怕空負年芳輕別孤山春草一樹梅花待君同折

前調

水仙

王沂孫

明玉擎金纖羅飄帶為君起舞回雪柔影參差幽芳零
亂翠圍腰瘦一捻歲華相誤記前度湘皋怨別哀絃重
聽都是淒涼未須彈徹國香到此誰憐煙冷沙昏頓
成愁絕花惱難禁酒銷欲盡門外冰漸初結試招仙魄
怕今夜瑤簪凍折攜盤獨出空想咸陽故宮落月

前調

劉瀾

春翦綠波日明金渚鏡光盡浸寒碧喜溢雙蛾迎風一
笑兩情依舊脉脉那時同醉錦袍濕烏紗敔側英遊何
在滿目青山飛下孤白片帆誰上天門我亦明朝是
天門客平生高興青蓮一葉從此飄然八極磯頭綠樹
見白馬書生破敵百年前事欲問東風酒醒長笛

前調

王易簡

庭草春遲汀蘋香老數聲珮悄蒼玉年晚江空天寒日

暮壯懷聊寄幽獨倦遊多感更西北高樓送目佳人不
見慷慨悲歌夕陽喬木 紫霞洞窅雲深嫋嫋餘音鳳
簫誰續桃花賦在竹枝詞遠此恨年年相觸翠鬢芳字
漫重省當時顧曲因君凝竚依約吳山半痕蛾綠

拜星月慢

又一體雙調
一百二字

拜星月慢

陳允平

漏閣閒籤琴牕倦譜露濕宵螢欲暗雁咽涼聲寂寞芙

蓉院畫檐外樹色驚霜漸改淡碧雲踈星爛舊約桐陰
問何時重見倚銀屏更憶秋娘面想凌波共立河橋
畔重念酒污羅襦漸金篝香散翦孤燈伴宿西風館黃
花夢對發淒涼歎但悵望一水家山被紅塵隔斷

南浦

楚辭送美人兮南浦後人傷離惜別
者輒用之詞取以名雙調一百二字

南浦

魯逸仲

風悲畫角聽單于三弄落譙門投宿駸駸征騎飛雪滿

孤村酒市漸闌燈火正敲牕亂葉舞紛紛送數聲驚雁
乍離煙水嘹唳度寒雲好在半朧淡月到如今無處
不銷魂故國梅花歸夢愁損綠羅裙為問暗香閒艷也
相思萬點付啼痕篋翠屏應是兩眉餘恨倚黃昏

前調

又一體
滕王閣懷古

喻綜

天高氣爽看平楚落葉動秋聲南國驚霜征雁帶影下
寒城漠漠輕舟過雨濕帆飛遠幾點微星更蕭條鴉集
陌頭衰柳殘照萬峰青瑟瑟江澄涼練憶從前何事

不凝情日月銷磨今古不見舊旗旌青雀黃龍何在也
堦除惟有樹長生歎去來月上闌干空際水波明

西平樂

雙調一
百二字

西平樂

柳永

盡日憑高寓目脉脉春情緒佳景清明漸近時節輕寒
乍暖天氣纔晴又雨煙光澹蕩裝點平蕪遠樹暗凝竚
臺榭好鶯燕語正是和風麗日幾許繁紅嫩綠雅稱

嬉遊去奈阻隔尋芳伴侶秦樓鳳吹楚臺雲約空悵望
在何處寂寞韶光暗度可堪向晚村落聲聲杜宇

前調

梅次周
美成韻

朱雍

夜色娟娟皎月梅玉共春緒不使鉛華點綴超出精神
淡泞休妬殘英如雨清香眷戀只恐他風滿樹散難竚
江亭暮鳴珮語正值匆匆乍別天遠瑤池縞縠好趁
飛瓊去忍孤負瑤臺伴侶瓊肌瘦盡庾嶺零落空悵望
動情處畫角哀聲暗度參橫向曉吹入深沈院宇



御選歷代詩餘卷七十九

欽定四庫全書

集部

御選歷代詩餘卷八十一

詳校官中書_臣潘有為

侍讀_臣孫球覆勘

總校官進士_臣朱鈐

校對官中書_臣徐秉敬

謄錄監生_臣周世燦

欽定四庫全書

御選歷代詩餘卷八十目錄

一百三字

瑞鶴仙

又一體

周邦彥

前調

又一體

張樞

喜遷鶯

又一體

蔡伸

趙長卿

李綱

康與之

胡浩然

曹冠

趙彥端

程秘

王千秋

二首

黃機

吳禮之
二首

易祓

高觀國
二首

馮去非

沈端節

吳文英
三首

蔣捷
三首

何夢桂 二首

無名氏 五首

王特起 二首

張翥

劉基

周用 三首

齊天樂 又一體

呂渭老

陸游 二首

吳子孝

探春慢 又一體

姜夔

趙以夫

陳允平

周密

張炎 二首

欽定四庫全書



御選歷代詩餘

卷八十目錄

還京樂 又一體

周邦彥

方千里

陳允平

晁無

姜夔

王沂孫

張翥

御選歷代詩餘卷八十目錄

欽定四庫全書

御選歷代詩餘卷八十一
一百三十一字

司經局洗馬掌局事兼翰林院修撰加二級臣王奕清奉

百校刊

瑞鶴仙

又一體雙調

一百三十一字

瑞鶴仙

周邦彥

暖煙籠細柳弄萬縷千絲年年春色晴風蕩無際濃於

酒偏醉情人詞客闌干倚處度花香微散酒力對重門
半掩黃昏淡月院宇深寂 愁極因思前事洞房佳宴
正值寒食尋芳偏賞金谷里銅駝陌到而今魚雁沈沈
無信息天涯常是淚滴早歸來雲館深處那人正憶

前調

又一體

張樞

捲簾人睡起放燕子歸來商量春事風光又能幾減芳
菲都在賣花聲裏吟邊眼底披嫩綠移紅換紫甚等閒
半委東風半委小溪流水 還是苔痕湔雨竹影留雲

待晴猶未蘭舟靜
樣西湖上多少歌吹粉蝶兒
守定落花不去濕重尋香
兩翅怎知人一點新愁寸心萬里

喜遷鶯

又一體雙調
一百三字

喜遷鶯

蔡伸

素娥呈瑞正慘慘暮寒同雲千里翦水飛花漸漸瑤英
密灑翠筠聲細邃館靜深金鋪半掩重簾垂地明牕外
伴疎梅瀟灑玉肌香膩
幽人當此際醒魂照影漏永

愁無寐強拊清尊慵添寶鴨誰會黯然情味幸有賞心
人奈咫尺重門深閉今夜裏莫忍教孤負濃香翠被

前調

趙長卿

商飈輕透動簾幙飛梧亂飄庭甃瑞氣氤氲沈檀初爇
烟噴寶臺金獸黃花美酒天教占得先他時候誕元老
慶有聲此夕降生華胄歡笑宜稱壽絃管鼎沸宮羽
方頻奏滿捧瑤卮華堂歌舞拍轉金釵斜溜朱顏綠鬢
殷勤深願鎮長如舊歎濱海道難留指日榮遷飛驟

前調

自池陽
泛舟

李綱

江天霜曉對萬頃雪浪雲濤
瀰渺遠岫參差煙雨微茫
閱盡往來人老淺沙別浦
極望滿目餘霞殘照暮雲斂
放一輪明月窺人懷抱
杳杳千里恨玉人一別
夢斷無音耗手撚江梅枝頭
春信欲寄算應難到畫船片
帆浮碧更值風高波浩幾時
得向尊前銷去許多煩惱

前調

秋夜
聞雁

康與之

秋寒初勁看雲路雁來碧
天如鏡湘浦煙深衡陽沙
遠欽定四庫全書

風外幾行斜陣回首塞門何處故國關河重省漢使老
認上林欲下徘徊清影江南煙水暝聲過小樓燭暗
金猊冷送目鳴琴裁詩挑錦此恨此情無盡夢想洞庭
飛下散入雲濤千頃過盡也奈杜陵人遠玉關無信

前調

立春

胡浩然

譙樓殘月聽畫角曉寒梅花吹徹瑞日祥雲和風解凍
青帝乍臨東闕暖向土牛簫鼓天路珠簾高揭最好是
戴綵幡春勝釵頭雙結奇絕開宴處珠履玳簪俎豆

爭羅列舞袖翩翻歌喉縹緲壓倒柳腰鶯舌勸我應時
納祐還把金爐香爇願歲歲把一卮春酒長陪佳節

前調

曹冠

豔陽時序向被襖芳辰登臨仙府碧水澄虛修篁簪翠
夾徑蕙蘭香吐春晚巧鶯聲碎風捲飛紅無數凝望處
見桑村麥隴竹溪煙浦歡聚須信道遊宦東西易得
成離阻北海開尊東山乘興四樂偷閒贏取棊戰新來
常勝詩瘦只因吟苦心湛靜笑白雲多事等閒為雨

前調

趙彥端

登山臨水正桂嶺瘴開蘋洲風起玄鶴高翔蒼鷹遠擊
白鷺欲飛還止江上澄波似練沙際行人如蟻目斷處
見遙峰簇翠殘霞浮綺千里關塞遠鴈陣不來猶把
闌干倚數疊悲笳一行征旆城郭幾番成毀白塔前朝
陵寢青嶂故都營壘念往事但寒煙滿目秋蟬盈耳

前調

壽薛
樞密

程秘

去年玉燕記曾期今歲瑤光入度今日都人從頭屈指

盡是黑頭公輔爭道一朝語合誰信千齡際遇更積雨
晚來晴洗出琉璃清宇笑語知何許旆捲青霓來自
鈞天所道骨仙風安排頓著須是人間紫府要識雲臺
高絕更有鳳池深處從今數看千秋萬歲永承明主

前調

梅

王千秋

春前臘尾問誰會開解幽人心裏映竹精神凌波標致
姑射昔聞今是試妝競看吹面寄驛勝傳緘紙迴瀟灑
更香來林表枝橫溪底誰為停征騎評蕙品蘭俱恐

非同里天意深憐花神偏巧特為翦冰裁水擬換綠衣
來舞只許蒼官相倚醉眠穩儘參橫月落留連行李

前調

雪和
前韻

王千秋

玉龍垂尾望闕角空堯如侵雲裏明壁榱題白銀階陞
平日世間無是靜久聲鳴檻竹夜半色侵牕紙最奇處
盡巧妝枝上低飛檐底當為呼遊騎嗾犬擎蒼腰箭
隨鄰里藉草烹鮮枯枝煎茗點化玉花為水未挹瑤臺
風露且借瓊林棲倚眩銀海待斜披鶴氅騎鯨尋李

前調

香風亭上

黃機

平湖百畝種滿湖蓮葉遶堤楊柳冉冉波光輝輝煙影
空翠濕露襟袖靜愜鄰雞啼午暖逼沙鷗眠晝西園路
更紅塵不斷蛺蝶蜂瘦知否堪畫處野薺蕪菁膏地
鋪茵繡桃李陰邊桑麻叢裏斜曛酒帘誇酒竹寺小依
山趾茅店平窺津口春又晚正香風有客倚闌搔首

前調

閏元宵

吳禮之

銀蟾光彩喜稔歲閏正元宵還再樂事難并佳時罕遇

依舊試燈何礙花市又移星漢蓮炬重芳人海盡勾引
徧嬉遊寶馬香車喧隘情快天意教人月更圓償足
風流債媚柳煙濃天桃紅小景物迴然堪愛巷陌笑聲
不斷襟袖餘香仍在待歸也便相期明日踏青挑菜

前調

端午

吳禮之

梅霖初歇正絳色海榴爭開佳節角黍包金香蒲切玉
是處玳筵羅列闔巧盡輸年少玉腕綵絲雙結樣彩舫
見龍舟兩兩波心齊發奇絕難盡處激起浪花翻作

湖間雪畫鼓轟雷紅旗掣電奪罷錦標方徹望中水天
日暮猶自珠簾高揭棹歸晚載荷香十里一鉤新月

前調

易袞

帝城春晝見杏臉桃顙脂微透一霎兒晴一霎兒雨
正是催花時候淡煙細柳如畫雅稱踏青攜手怎知道
那人人獨倚闌干消瘦別後音信斷應是淚珠滴徧
香羅袖記得年時膽瓶兒畔曾把牡丹同嗅故鄉水遙
山遠怎得新歡如舊強消遣把閒愁推入花前杯酒

前調

代人弔西湖歌者

高觀國

歌音淒怨是幾度訴春春都不管感綠驚紅輝烟啼月
長是為花消黯玉骨瘦無一把粉淚愁多千點可憐損
任塵侵粉蠹舞裙歌扇轉盼塵夢斷峽裏雲歸空想
春風面燕子樓空玉臺妝冷湖外翠峰省淺綺陌斷魂
名在寶篋返魂香遠此情苦問落花流水何時重見

前調

高觀國

涼雲歸去再約著晚來西樓風雨水靜簾陰鷗閒荻影

秋到露汀煙浦試省喚回幽恨盡是愁邊新句倦登眺
動悲涼還在殘蟬吟處淒楚空見訴香鎖霧扃心似
秋蓮苦寶瑟彈冰玉臺窺月淺黛可憐偷聚幾時翠溝
題葉無復繡簾吹絮鬢華晚念庾郎情在風流誰與

前調

馮去非

涼生遙渚正綠芰擎霜黃花招雨鴈外漁燈菴邊蟹舍
絳葉滿秋來路世事不離雙鬢遠夢偏欺孤旅送望眼
但憑舷微笑書空無語慵看青鏡裏十載征塵長把

朱顏污借飭青油揮毫紫塞舊事不堪重舉問闕故山
猿鶴冷落同盟鷗鷺倦遊也便檣雲施月浩歌歸去

前調

沈端節

冰池輕皺喜寒律乍回微陽初透歲晚雲黃日晴烟暖
晝刻暗添宮漏山色岸容都變春意欲傳官柳最好處
正酥融粉薄一枝梅瘦行樂春漸近景勝歡長窈渺
絲簧奏鳴玉鷄行退朝花院猶有御香霑袖試問西鄰
雖富何比東皋依舊趁耒老便優遊林壑圍碁把酒

前調

牡丹

吳文英

凡塵流水正春在絳闌瑤堦十二暖日明霞天香盤錦
低映曉光梳洗故苑浣花沈恨化作天紅斜紫困無力
倚闌干還倩東風扶起公子留意處羅蓋牙籤一一
花名字小扇翻歌密圍留客雲葉翠溫羅綺豔波紫金
杯重人倚妝臺微醉夜和露翦殘枝點點花心清淚

前調

福山蕭
寺歲除

吳文英

江亭年暮趁飛鴈又聽數聲柔櫓婪尾杯單膠牙餠淡

重省舊時羈旅雪舞野梅籬落寒擁漁家門戶晚風峭
做初番花信春還知否何處圍豔冶紅燭畫堂博塞
良宵午誰念行人愁先芳草輕送年華如羽自別短檠
不睡空索綵桃新句便歸好料鶯黃已染西池千縷

前調

王隱菴
與閒堂

吳文英

煙空白鷺乍飛下似呼行人相語細縠春波微痕秋月
曾認片帆來去萬頃素雲遮斷十二紅簾鉤處黯愁遠
向虹腰時送夕陽凝竚輕許孤夢到海上幾宮玉冷

深牕戶遙指人間隔江燈火漠漠水蘋搖暮看緝斷磯
殘釣替却珠宮雪舞吟未了去匆匆清曉一闌煙雨

前調

蔣捷

晴天遼廓被孤雲畫出離愁蕭索玉局彈碁金釵翦燭
芳思可勝搖落鏡妝為慵遲晚笙曲緣愁差錯倒纖指
更從頭細數年時同樂寂寞花院悄昨夜醉眠夢也
難憑托車角生時馬蹄方後才始斷伊漂泊悶無半分
消遣春又幾番擔閣倚闌久奈東風忒冷紅綃單薄

前調

金港阻風

蔣捷

風濤如許被閒鷗笑我君行良苦
櫂葉深灣蘆窠窄港
小憇倦篙慵櫓壯年夜吹笛去
驚得魚龍舉舞悵今老
但篷牕緊掩荒涼愁懷
別浦雲斷處低雁一繩攔斷
家山路珮玉無詩飛霞乏序
滿席快飈誰付醉中幾番
重九合度芳尊孤負便晴否
怕明朝蝶冷黃花秋圃

前調

暮春

蔣捷

遊絲纖弱漫著意絆春春難憑托
水暖成紋雲晴生影

芳草漸侵裙幄露添牡丹新豔風擺秋千閒索對此景
動高歌一曲何妨行樂行樂君聽取鶯嚀綠牕也似
來相約粉壁題詩香街走馬爭奈鬢絲輸却夢回晝長
無事聊倚闌干斜角翠深處看悠悠幾點楊花飛落

前調

何夢桂

留春不住又早是清明楊花飛絮杜宇聲聲黃昏庭院
那更半簾風雨勸春且休歸去芳草天涯無路悄無語
倚闌干立盡落紅無數誰憇長門事記得當年曾趁

梨園舞霓羽香消梁州聲歇昨夢轉頭今古金屋玉樓
何在尚有花鈿塵土君不顧怕傷心休上危樓高處

前調

何夢桂

東君別後見說道花枝也成消瘦夜雨簾櫳柳邊庭院
煩惱有誰捫就猶記舊看承處梅子枝頭如豆最苦是
向重門人靜月明時候 知否人不見縱有音書爭似
重攜手舊日沈腰如今潘鬢怎奈許多傷憊極目萬山
深處腸斷不堪回首情寸寸到如今只在長亭煙柳

前調

梅花
五首

無名氏

南枝向暖乍秀出，庾嶺梅英初吐玉。頰輕勻瓊顯，淡抹
姑射冰容，相許幾回立馬凝竚。影映寒光，霜妒教儘占
在百花頭上。嚴冬獨步，芳華春意早，昨夜一番雪裏
開無數。萬蕊千梢，鉛堆粉污，總是化工偏賦。月明暗香
浮動，休使龍吟聲苦。且留取待時時，頻倚闌干重顧。

前調

無名氏

臘殘春未正，候館梅開，牆陰雪裏冷。豔凝寒孤根，回暖

昨夜一枝春至素苞暗香浮動別有風流標致謝池月
最相宜疎影橫斜臨水誰為傳驛使隴上故人不見
今千里寄與東君從教知人別後歲寒清意亂山萬疊
何在但有飛雲天際故園好早歸來休戀繁桃穠李

前調

用前韻

無名氏

瓊姿冰體料瑩光乍轉廣寒宮裏北陸寒深南園春早
此後萬花方至翦霞鬬萼裁蕊砌成天與高致太瀟灑
最宜雪宜月宜亭宜水好是天涯景嶺上萬株浮動

香千里屏寫橫斜鬢插垂鬟占盡秀骨清意醉魂易醒
吟興信來佳思無際為傳語向東風甘使無言桃李

前調

無名氏

霜凝雪汎正斗杓臨丑三陽將近萬木彫零羣芳消歇
禁苑有梅初盛異香似熏沈水素色端如玉瑩人盡道
第一番天遣先占春信 標韻猶耿耿月觀水亭誰解
憐疎影何遜揚州拾遺東閣一見便生清興望林止渴
功就不如天桃繁杏歲寒意看結成秀子歸調商鼎

前調

無名氏

一陽初起漸度嶺梅雪才苞香蕊品格清高姿容閒雅
別受化工深意放開獨占嚴景不使混同凡卉微雨霽
似玉容寂寞無言有淚難比凝素態不共豔陽桃李
爭妍麗疑是佳人巧撚香酥枝上玉纖輕綴前村可惜
無賞好近天庭階砌成實後有調和鼎鼎一般滋味

前調

別內

王特起

東樓歡宴記遺簪綺席題詩紈扇月枕雙敲雲牕同夢

相伴小花深院舊歡頓成陳跡翻作一番新怨素秋晚
聽陽關三疊一尊相餞留戀情繾綣紅淚洗妝雨濕
梨花面鴈足闕河馬頭星月西去一程程遠但願此心
如舊天也不違人願再相見把生涯分付藥爐經卷

前調

題郝仙
女廟壁

王特起

汀洲蘋滿記翠籠采采相將鄰媛蒼渚煙生金支光爛
人在霧綃鮫館小鬟頓成雲散羅幃淩波不見翠鸞遠
但清溪如鏡野花留鈿情睠驚變現身後神功絲滿

欽定四庫全書

御選歷代詩餘
卷八十

十四

吳蠶繭漢女菱歌湘妃瑤瑟香動倚雲層殿彤車載花
一色醉盡碧桃清讌故山晚歎流年一笑人間飛電

前調

瓊花

張翥

東風吹盡但一片綠陰空留春恨后土祠荒飛瓊謫久
還喜玉容堪認二十四橋夜月二十四番風信便載酒
怕芳菲易老陰晴難穩嬌困羞起晚竚立畫欄淨洗
閒脂粉沈水濃熏蜂黃淡染自有絕塵香韻也知世間
無對肯許浮花相近鳳簫遠待數枝折與玉峰人問

前調

梅花

劉基

凍雲初啟看的皚梅花俯窺清泚膏澤無加鉛華不御
應與素娥爭麗豔浥蕊宮露冷香引瑤池風細夜耿耿
想飛瓊欲下縞衣搖曳驚慨猶記得月榭春宵錦幃
開芳砌倚樹聯詩擷英浮酒左右翠翹珠幌今日故人
何在腸斷白波東逝向此際但含情獨立為伊凝睇

前調

九日
次韻

周用

江南九日恰此處登高佳哉風物弱水西頭扶桑東畔

欽定四庫全書

御選歷代詩餘
卷八十

十五

不礙短牆疎壁欲覓擅場畫手誰識王孫松雪更可笑
是劉郎餓字負他詩傑 奇絕正把酒指點江山颺颺
清飈發太史占星尚書踐斗聞道旄頭光滅整頓清時
勝事詩律且賒毫髮趁餘興促聯翩歸騎九衢微月

前調

寄吳靜之
用前韻

周 用

稜稜風骨看飛黃自是天閑中物一寸丹心數莖白髮
合在雲臺西壁檢點平生到處幾許堅冰寒雪且聽取
為從頭屈指古來豪傑 卓絕待赤手埽破頑陰劃地

驚雷發五嶺煙消三湘波靜誰信口碑磨滅千古是非
公論畢竟不差毫髮問心事有海天今夜十分明月

前調

登牛首山
再用前韻

周用

登登天關問禪宮猶是六朝遺物廿載同遊一時回首
依舊煙崖雲壁見說獻花巖裏尚有嬾殘融雪都分付
與今來往古酒豪詩傑清絕舒望眼萬里秋空草樹
天香發大厯編年中山墨本無奈字碑磨滅且倩扶桑
向日晞我滿頭黃髮更相約躡龍山絕頂劇談風月

齊天樂

又一體雙調
一百三字

齊天樂

觀競渡

呂渭老

香紅飄沒明春水。寒食萬家遊舫。整整斜斜。踈踈密密。
簾纈旗紅相望。江波蕩漾。稱彩艦龍舟。繡衣霞漿。舞楫
爭先笑。歌簫鼓亂清唱。重來劉郎老。對故園桃紅春
晚。盡成惆悵。淚雨難晴。愁省又結。翻覆十年。手掌如今
怎向。念舞板歌塵。遠如天上。斜日回舟。醉魂空舞。颺

前調

左縣道中

陸游

角殘鐘曉關山路行人乍依孤店塞月征塵鞭絲帽影
常把流年虛占藏鴉柳暗歎輕負鶯花漫勞書劒事往
關情悄然頻動壯遊念孤懷誰與強遣市壚沽酒酒
薄怎當愁釀倚瑟妍詞調鉛妙筆那寫柔情芳豔征途
自厭沉烟斂無痕雨稀萍點最是眠時枕寒門半掩

前調

三榮人日

陸游

客中隨處閒消悶來尋嘯臺龍岫路斂春泥山開翠霧

行樂年年依舊天工妙手放輕綠
萱芽淡黃楊柳笑問東君為人能
染鬢絲否西州催去近也帽檐風
軟且看市樓沽酒宛轉已歌淒涼
塞管攜客何妨頻奏征塵暗袖漫
禁得梅花伴人疎瘦幾日東歸畫
船平放溜

前調

午日

吳子孝

幾人得在家鄉老蒲觴再逢重午
榴火烘人榆錢滿地竹院梧垣無
暑鶯聲未歇況細雨初晴疎簾乍
舉角黍筵前試看畫扇長生縷常
憶蒙恩賜宴憂心對酒不

似而今無苦彩筆詞新朱絃歌妙何異神仙儔侶溪山
有主喜川競舟龍門懸艾虎寄與良朋年年常似許

探春慢

又一體雙調

一百三字

探春慢

過雲溪別鄭
次皋諸君

姜夔

衰草愁煙亂鴉送目飛沙迴旋平野拂雪金鞭欺寒茸
帽還記章臺走馬誰念飄零久漫贏得幽懷難寫故人
青盼相逢小牕閒共情話長恨離多會少重訪問竹

西珠淚盈把雁磧沙平漁汀人散老去不堪遊冶無奈
茗溪月又喚我扁舟東下甚日歸來梅花零亂春夜

前調

趙以夫

南國收寒東郊放暖條風初回臺榭小燕橫釵鬧蛾低
鬢眼底吳娃妖冶纖手傳生菜向人道新春來也莫惜
沈醉尊前這些風景無價長恨年年此日迎著箇牛
兒綵鞭羞打颭颭金幡星星華髮得似家山閒暇都把
心期事待問訊柳邊花下簫鼓聲中溫存小樓深夜

前調

蘇堤
春曉

陳允平

上苑烏啼中洲鷺起疎鐘纔度雲窈篆冷香篝燈微塵
幌殘夢猶吟芳草搔首捲簾看認何處六橋煙柳翠橈
纔樣西泠趁取過湖人少掠水風花繚繞還暗憶年
時旗亭歌酒隱約春聲鈿車寶勒次第鳳城開了惟有
踏青心縱早起不嫌寒峭畫闌閒立東風舊紅誰埽

前調

修門
度歲

周密

綵勝宜春翠盤銷夜客裏暗驚時候翦燕心情呼盧音

語景物總成懷舊愁鬢如垂楊早睂眼漸濃如豆儘教
寬盡春衫畢竟為誰消瘦 梅浪半空如繡便管領芳
菲忍辜詩酒映竹占花臨牕卜鏡還念歲寒宮袖簫鼓
動春城競點綴玉梅金柳厮勾元宵燈前共誰攜手

前調

雪霽

張炎

銀浦流雲綠房迎曉一抹牆腰月淡暖玉生煙懸冰解
凍碎滴瑤階如霰纔放些晴意早瘦了梅花一半也知
不作花看東風何事吹散 搖落似成秋苑甚釀得春

來怕教春見野渡舟回前村門掩應是不勝清怨次第
尋芳去灞橋外蕙香波暖猶妒檐聲看燈人在深院

前調

客吳歲晚
寄戚五雲

張炎

列屋烘爐深扉響竹催殘客裏時序投老情懷薄遊滋
味消得幾多淒楚聽雁聽風雨更聽過數聲柔櫓暗將
一點歸心試托醉鄉分付借問西樓在否休忘了盈
盈端正窺戶鐵馬春冰柳蛾暗雪次第滿城簫鼓聞見
誰家月渾不記舊遊何處伴我微吟恰有梅花一樹

還京樂

又一體雙調
一百三字

還京樂

周邦彥

禁煙近觸處浮香秀色相料理正泥花時候奈何客裏
光陰虛費望箭波無際迎風漾日黃雲委任去遠中有
萬點相思清淚到長淮底過當時樓下殷勤為說春
來羈旅況味堪嗟悞約乖期向天涯自看桃李想如今
應恨墨盈牋愁妝照水怎得青鸞翼飛歸教見顚顚

前調

和周美成韻

方千里

歲華慣每到和風麗日歡再理為妙歌新調粲然一曲
千金輕費記夜闌深際更衣換酒珠璣委悵畫燭搖影
易積銀盤紅淚向笙歌底問何人能道平生聚合歡
娛離別興味誰憐露浥煙籠盡栽培豔桃穠李漫縈牽
空坐隔千山情遙萬水縱有丹青筆應難摹畫顚顚

前調

和周美成韻

陳允平

綵鸞去適怨清和錦瑟誰共理奈春光漸老萬金難買

榆錢空費岸草煙無際落花滿地芳塵委翠袖裏紅粉
濺濺東風吹淚 任鴛幃底寶香寒金獸慵熏繡被依
依別離意味瓊釵暗劃心期倩啼鵲為催行李黯消魂
但夢繞巫山情牽渭水待得歸來後燈前深訴顚顚
省嫵

一名百宜嬌雙
調一百三字

省嫵

戲張仲遠

姜夔

看垂楊連苑杜若吹沙愁損未歸眼信馬青樓去重簾

下娉婷人妙飛燕翠尊共款聽豔歌郎意先感便攜手
月地雲階裏愛良夜微暖無限風流疎散有暗藏弓
履偷寄香翰明月聞津鼓湘江上催人還解春纜亂紅
萬點悵斷魂煙水遙遠又爭似相攜乘一舸鎮長見

前調

新月

王沂孫

漸新痕懸柳澹彩穿花依約破初暝便有團圓意深深
拜相逢誰在香徑畫眉未穩料素娥猶帶離恨最堪愛
一曲銀鈎小寶簾挂秋冷千古盈虧休問歎漫磨玉

斧難補金鏡太液池猶在淒涼處何人重賦清景故山
夜永試待他窺戶端正看雲外山河還老盡桂花影

前調

七夕感事

張翥

又蛛分天巧鵲誤秋期銀漢會牛女薄命猶如此悲歡
事人間何限夫婦此情更苦怎似他今夜相遇素娥姑
不肯偏留照漸涼影催曙私語釵盟何處但翠屏天
遠清夢雲去縱有閒鍼縷相憐愛絲絲空綴愁緒竊香
伴侶問甚時重畫眉嫵漫鉛淚彈風俱付與洗車雨

御選歷代詩餘卷八十